

Na osnovu člana 62. i 86. Zakona o srednjoškolskom odgoju i obrazovanju ("Službene novine HNK" broj: 8/00, 4/04, 5/04 li 8/06" i člana 36, 69. i 96. Pravila JU Srednje ekonomske i ugostiteljsko-turističke škole Mostar, Školski odbor JU Srednje ekonomske i ugostiteljsko-turističke škole Mostar na sjednici održanoj dana 29.4.2024. godine, donosi

PRAVILNIK O IZBORU UČENIKA GENERACIJE U JU SREDNJOJ EKONOMSKOJ I UGOSTITELJSKO-TURISTIČKOJ ŠKOLI MOSTAR

Član 1.

Pravilnikom o izboru učenika generacije završnih razreda (u daljnjem tekstu: Pravilnik) utvrđuju se kriteriji, način i postupak izbora učenika generacije.

Član 2.

Učenik generacije bira se između učenika završnih razreda koji zadovoljava sljedeće uslove:

- Učenik je najmanje tri završne godine, odnosno dvije godine kod trogodišnjih zanimanja, pohađao srednju školu u kojoj je kandidat.
- Učenik je postigao odličan uspjeh u svim razredima .
- Učenik je imao primjerno vladanje.
- Učenik se isticao radom u izvannastavnim aktivnostima i školskoj zajednici.
- Učenik je osvajao nagrade u školskim, gradskim, kantonalnim, federalnim, državnim i međudržavnim takmičenjima.

Za učenika generacije može biti izabran samo jedan učenik za trogodišnji NPP i samo jedan učenik za četverogodišnji NPP. U školama gdje se izvodi nastava po dva NPP i na dva jezika bira se po jedan učenik generacije za svaki NPP.

Ukoliko je kandidat za učenika generacije neki od razreda završio u inostranstvu i nema izvedenu ocjenu opšteg uspjeha, u tom slučaju se umjesto prosječne ocjene uspjeha u tom razredu uzima prosječna ocjena izvedena za sve razrede u kojima je moguće izvesti prosječnu ocjenu općeg uspjeha zaokruženu na dvije decimale.

Član 3.

Za učenika generacije ne može biti izabran učenik koji je imao veliki broj izostanaka sa redovne nastave (pravilnikom škole kojim su regulisane pohvale, nagrade i pedagoške mjere).

Član 4.

Pravo da bude izabran ima svaki učenik koji zadovoljava uslove iz člana 2. ovog Pravilnika prijavljivanjem na osnovu odluke Nastavničkog vijeće (u daljem tekstu: Vijeće) o izboru učenika generacije škole u skladu sa kalendarom kraja nastavne godine za završne razrede.

U slučaju da niti jedan učenik ne ispunjava uslove iz člana 2. tačka 2. ovog Pravilnika, u obzir se uzima prvi sljedeći kandidat po uspjehu u svim razredima.

Član 5.

Nastavničko vijeće imenuje Komisiju za izbor učenika generacije (u daljem tekstu: Komisija). Komisija utvrđuje listu kandidata za učenika generacije (u daljnjem tekstu: lista kandidata) prema prijedlogu razrednika razrednih odjeljenja završnih razreda, te provjerava, prati i sumira rezultate prijavljenih učenika.

Komisiju sačinjavaju:

- pedagog škole
- tri nastavnika škole

U Komisiji ne mogu biti razrednici završnih razreda. Komisija na prvoj sjednici donosi Poslovnik o radu i redovno vodi zapisnik.

Član 6.

Kriteriji za vrednovanje i poredak učenika na listi kandidata za izbor učenika generacije:

1. Uspjeh u učenju i vladanju tokom četverogodišnjeg/trogodišnjeg obrazovanja
2. Uspjeh na takmičenjima u znanju i stvaralaštvu iz pojedinih nastavnih predmeta na takmičenjima (likovnim, literarnim, sportskim, muzičkim, jezičkim, naučnim, matematičkim i ostalim)
3. Uspjeh na smotrama, izložbama i konkursima gdje je učenik predstavljao školu čiji je kandidat
4. Učestvovanje u radu vannastavnih aktivnosti u sklopu škole (sekcije)
5. Vođenje razredne zajednice i/ili Vijeća učenika
6. Učestvovanje u aktivnostima i projektima škole čiji je kandidat

Član 7.

Uspjeh u učenju i vladanju tokom četverogodišnjeg/trogodišnjeg obrazovanja određuje se bodovno, pojedinačno za svaku školsku godinu svih razreda. Prosječna ocjena opšteg uspjeha se utvrđuje na dvije decimale i množi sa koeficijentom 5 za svaku školsku godinu (npr. prosječna

ocjena uspjeha u toku jedne školske godine je 4,67, što se množi sa koeficijentom 5 i daje rezultat 23,35 što iznosi ukupan broj bodova na osnovu uspjeha za jednu školsku godinu).

Član 8.

Uspjeh na takmičenjima u znanju, stvaralaštvu i sportskim takmičenjima iz pojedinih nastavnih predmeta na takmičenjima boduje se prema sljedećem:

	Nivo takmičenja	Broj bodova			
		I mjesto	II mjesto	III mjesto	Učešće
A	Školsko takmičenje	3 (2)	2 (1)	1 (0,5)	0,5
B	Gradsko takmičenje	5 (3)	4 (2)	3 (1)	1 (0,5)
C	Kantonalno takmičenje	7 (5)	6 (3)	5 (2)	2 (0,5)
D	Federalno takmičenje	9 (6)	8 (5)	7 (4)	3 (1)
E	Državno takmičenje	11 (8)	10 (7)	9 (6)	4 (2)
F	Međunarodno takmičenje	13	12	11	5

U zagradama su predstavljeni bodovi koje dobivaju oni učenici koji su postigli uspjehe na grupnim takmičenjima. Isto bodova na međunarodnim takmičenjima dobivaju pojedinci i grupe.

Član 9.

Uspjeh na smotrama, izložbama i konkursima gdje je učenik predstavljao školu čiji je kandidat definira se prema sljedećoj tabeli:

Broj bodova		
I. mjesto	II. mjesto	III. mjesto
2	1	0,5

Član 10.

Učestvovanje u radu vannastavnih aktivnosti u sklopu škole boduju se prema principu - 1 bod po sekciji.

Član 11.

Predsjedanje razrednim odjeljenjem nosi 1 bod, predsjedanje Vijećem učenika nosi po 2 boda a članstvo u Vijeću učenika nosi 0,5 za svaku godinu vođenja.

Član 12.

Učestvovanje u projektima i aktivnostima Škole čiji je učenik kandidat ocjenjuje se bodovima na osnovu angažmana učenika tokom cjelokupnog obrazovanja u školi. Tu se podrazumijeva učestvovanje u organiziranju događaja (priredbi, takmičenja i sl.), i školskim projektima i to 0,5 po jednom projektu ili aktivnosti, a maksimalno po školskoj godini 2 boda.

Član 13.

Kandidati su dužni dostaviti svoju dokumentaciju u roku 8 dana nakon završetka nastavne godine. Po prikupljenim podacima i njihovoj provjeri, pristupa se bodovanju. Na osnovu broja bodova Komisija određuje poredak liste kandidata.

Ako dva ili više kandidata imaju jednak broj bodova, prednost ima učenik koji ima veći broj bodova za uspjeh u učenju. Ako i po ovoj osnovi učenici imaju jednak broj bodova, prednost ima onaj učenik koji ima veći broj bodova za uspjeh na takmičenjima. Ako i po ovoj osnovi dva ili više učenika imaju jednak broj bodova, prednost ima onaj učenik koji ima veći broj bodova po osnovi uspjeha na takmičenjima iz područja jezika, dramskoga, recitatorskoga, likovnoga, literarnoga, muzičkoga, tehničkoga i drugoga stvaralaštva te sportskim takmičenjima. Ako i po ovoj osnovi dva ili više učenika imaju jednak broj bodova, prednost ima onaj učenik koji ima manji ukupan broj izostanaka. Ako i po ovoj osnovi dva ili više učenika imaju jednak broj bodova, odluku o izboru donosi Nastavničko vijeće.

Član 14.

Komisija podnosi prijedlog Nastavničkom vijeću za izbor učenika generacije. Vijeće razmatra prijedlog Komisije i donosi odluku o izboru učenika generacije.

Član 15.

Protiv odluke Nastavničkog vijeća, učenik odnosno njegovi roditelj/i ili staratelj/i, može uložiti prigovor Školskom odboru u roku 3 (tri) dana od dana saopštenja odluke (preuzimanjem Odluke, odnosno objavom Odluke na oglasnoj ploči škole). Odluka Školskog odbora je konačna. Škole pored učenika generacije mogu proglasiti i ponose generacije.

Član 16.

Učenik generacije dobiva posebnu diplomu i poklon u skladu s materijalnim mogućnostima svoje škole, Osnivača – Grada Mostara, te Ministarstva obrazovanja, nauke, kulture i sporta HNK.

Član 17.

Škola je obavezna u roku od 30 dana od dana završetka nastavne godine za završne razrede dostaviti Odluku o izboru učenika generacije Osnivaču – Gradu Mostaru i Ministarstvu obrazovanja, nauke, kulture i sporta HNK.

Član 18.

Pravilnik stupa na snagu danom donošenja.

Član 19.

Izmjene i dopune Pravilnika vrše se na način i u postupku predviđenim za njegovo donošenje.

Član 20.

Danom stupanja na snagu ovog Pravilnika prestaje da važi Pravilnik o izboru učenika generacije u JU Srednjoj ekonomskoj i ugostiteljsko-turističkoj školi Mostar, broj: 06-412-1/2009 od 23.04.2009. godine.

Broj: 06-04-02-309/24

Mostar, 29.4.2024. godine

Predsjednik Školskog odbora

Almir Duraković, dipl. ecc